



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

IV. Synodus Sardicensis dejectos sedibus suis restituti postulavit à Constantino. quod ille imperavit. Synodica epistola Concilij Surdicensis nullam mentionem facit canonum apud Sardicam conditorum.

**urn:nbn:de:hbz:466:1-15617**

I X. Perturbatus est ordo canonum Sardicensium.

X. Canon tertius Episcopo Romano tribui ius determinandi revisionem, aut eam denegandi. Quartus vero prohibet ne quis ordinetur in loco dejecti, donec apud apostolicam sedem determinatum fuerit an revisione concedenda sit. Sed non praecepis supercedendum esse interim depositione.

XI. Septimus edicit ut si revisio concedenda sit, Episcopus Romanus dei judices ex vicina provincia, qui causam retrahent cum primis judicibus. Tum posse illum missere Legatum qui synodo presideat.

XII. Interpretes Graci non ceperunt sensum horum canonum. Contendunt enim licere Episcopo damnato russum appellari a judicio Episcoporum quos Pontifex Romanus delegaverit, quod falsum est. Reclum hoc loco videt Hincmarus.

XIII. Leges civiles prohibent ne iudex appellationis causam remittat in provincias, quod fraudi fuit Balsamoni; cum non intelligeret in Concilio Sardicensi non agi de appellatione, sed tantum de retractione. Explicantur ambages Balsamoni.

XIV. Explicatio canonum Sardicensium proposita ab auctore, petita est ex Hincmaro in epistola ad Ioannem octavum nomine Caroli Calvi scripta.

XV. Canon Sardicensis non vetat quin damnatus possit etiam implorare auxilium Principis.

XVI. Indicatur discriben autoritatis imperatorie & ejus que tributa est Episcopo Romano in Concilio Sardicensi.

XVII. Referuntur ipsa verba canonum Sardicensium.

I. C A N O N E itaque Nicæno firmata est, ut diximus, suprema synodus provincialium auctoritas in ferendis judicis: que temperata fuit rescriptis Principum, qui revisiones causarum fieri præcipiebant. Hinc novæ regulæ data occasio, quam Sardicense Concilium condidit anno trecentesimo quadragesimo septimo, qua transfusa est in Episcopum Romanum potestas illa quæ Imperatoribus competebat concedendi revisiones hujuscemodi; eo tamen adhibito temperamento quod infra adnotabitur in explicatione canonum hujus Concilij, postquam ejus celebrandi causas exposuero.

II. Ei occasionem subministravit causa sancti Athanasij Episcopi Alexandrini. Quippe eum Episcopi orientales, qui factio erant Eusebij Nicomediensis Episcopi, vel quos artificis ille suis incautos decipiebat, in synodis Tyria & Antiochena damnaverant. Contra Iulius Episcopus Romanus in synodo Romana, quæ ex Episcopis Italiae constabat, Athanasium recepit in communionem suam, insuperhabita intercessione orientalium, qui Romam miserunt decreta damnationis adversus Athanasium decreta. Hæc ergo, ut dixi, occasio fuit celebrandi Concilij.

III. Nam Imperatores Constantius & Constanus, cupientes extinguere schisma ea

occasione emergens, literis suis Concilium convocarunt apud Sardicam; quæ Illyrici <sup>1000, 11, 12</sup> civitas erat, in Imperio occidentali sita, & in confinio Thraciæ, quæ ad Imperium Orientis pertinebat. Convocatum illud fuit ex magnis provinciis utriusque Imperij: sed numerus Episcoporum coæcitus est ad octoginta ex unoquoque Imperio. Cum orientales Sardicam convenissent, occidentibus se conjungere noluerunt, neque cum eis corpus Concilij constituere, probabili in speciem argumento. Declararunt enim ferre se non posse ut Athanasium & Marcelum Ancyranum communione sui publicè honestarent occidentales, quod de retractanda eorum excommunicatione ageretur, déque eorum depositione à superioribus syndicis decretâ, cuius judicij executio retardari non poterat eo praetextu quod Concilium Romanum eosdem Episcopos in suam communionem suscepisset, cum ea ipsi auctoritas non compereret. Nos enim omnino illis communicare noluimus, nisi eos quos damnavimus projecissent, & dignum honorem Concilio Orientis tribuerent, inquit illi in sua epistola synodica. Quoniam vero occidentales eis morem in hac parte gerere recusabant, arrepta est protinus ab orientalibus occasio divorti, quod probè intelligent fieri non posse quin calumniæ Athanasio impactæ detergerentur; id est que noctu fugerunt in Thraciæ urbem Philippopolim. Illic actiones Concilij sui continuantur, sub nomine Concilij Sardicensis, adversus occidentales, quemadmodum isti Sardici, quod synodus convocata fuerat, eam continuarunt adversus auctores factionis orientalium.

IV. Constatbat synodus illa Sardicensis ex octuaginta Episcopis Occidentis, ac præterea aliquot Eusebianis, qui agnoscentes dolos & malam fidem sociorum suorum, secessione ab eis facta, legitimo conventui adhæserunt. Hæc ergo synodus, quæ Sardicæ constitutæ, Athanasium & Marcelum sedibus suis restituit jussit. Restitutionem autem illam scriptis quaquaversum syndicis epistolis significavit Imperatoribus, Iulio Episcopo Romano, Ecclesiæ Alexandrinae, & universis Episcopis Ecclesiæ catholicae. Constantius, à fratre suo Constante & à Legatis veri Concilij Sardicensis rogatus, rescripto jussit ut Athanasius aliquique Episcopi qui dejecti fuerant, sedibus suis restituerentur. Ac licet Constanus factio Magentij tyranni tum occisus fuisset, Constanus, tametsi inimicis Athanasij aperte faveret, Episcopos tamen sedibus suis reddi procuravit. Interim dum hæc agebantur,

## & Imperij Lib. VII. Cap. III.

311

Athanasius ex urbe Roma in Orientem, ubi Constantius morabatur, accedens, indeque Alexandriam profectus, synodicam de restitutione sua epistolam subscribi obtinuit à c. c. x. l. i. v. Episcopis ex Oriente aut Occidente. Epistola porrò illa nihil aliud continet prater restitutionem Episcorum & causas ob quas eam fieri synodus decreverit, tum depositionem nonnullorum Episcorum factionis orientalium; nulla interim mentione facta canonum apud Sardicam conditorum.

V. Historiam Concilij Sardicensis heic per aversionem describendam esse existimavi; quoniam observatio illa, quæ verissima est, & colligitur ex variis locis Athanasij & Hilarij, valde conductus ad deciden-  
dam celebrem illam controversiam, quam illustrissimi Cardinales Baronius & Perrenius summa cura tractant, an videlicet Concilium Sardicense sit Oecumenicum. Hac verò quæstione semel definita, facilis esse videtur responso an. xx. i. canones in Sardensi synodo editi ejusdem auctoritatis sint ac Nicæni. Cui quæstioni respondeo, con-  
vocationem hujus Concilij ea mente factam esse ut Concilium Oecumenicum celebra-  
retur, id est, compositum ex Legatis omnium Dioceseon & magnarum provinciarum Imperij orientalis & occidentalis, intra quorum limites Ecclesia Christiana penè coërcebatur. Sed quia divortium ante contigit quām Concilium foret constitutum ex Episcopis utriusque Imperij, res in eo definitæ spectari non possunt nisi tanquam à Concilio occidentali decretæ, quandoquidem decretæ sunt absentibus Episcopis orientalibus. Sanè sanctus Hilarius Episcopus Pictavensis, qui tum vivebat, itēmque Epiphanius, Concilium illud Sardicense vocant Concilium Occidentale. Nam quod ad cccxli. Episcopos attinet, referri numerus ille non potest ad eos tantum qui Concilio interfuerunt, sed etiam ad eos qui restitutioni Athanasij subscripterunt post celebrazione Concilij.

V I. Huic tamen Concilio debetur prima origo juris Summi Pontificis quoad judicia canonica Episcorum. Quanquam si rem propriū introspiciamus, neque canonum verba egrediamur, manifestum erit nihil illic statutum esse adversus supremam synodorum provincialium auctoritatem canone Nicæno firmatam. Fateor equidem hæcenus univeris persuasum fuisse repertam esse in synodo Sardensi legem de appellationibus adversus Episcorum judicia, easque à Summo Pontifice judicandas esse ex

præscripto hujus Concilij. Verum ut ab ea persuasione recedam facit quod à me obser-  
vatum est, nempe jus tantum concedendi revisionem à synodo Sardensi introductum esse in gratiam sedis apostolicæ & in quod-  
dam velut detrimentum auctoritatis impera-  
toriae. Hæc interpretatio mea est: quam  
cum aliquot viris doctis aperiuissim, eam illi  
suffragio suo comprobarunt. Discremen  
quippe est inter appellationem & revisio-  
nem. Illa namque integrum causæ cognitio-  
nem transfert ad judicem superiorem, qui  
quæstionem excutit & definit in suo tribuna-  
li. At revisio definitivum judicium relinquit  
priori jurisdictioni, ea ratione, ut prioribus  
judicibus novi etiam adjungantur; ut con-  
stat ex quadam constitutione Græca quam  
Cujacius restituit in suis Observationum lib-  
bris. Sed huic persuasione quam dixi occasio-  
nem dedit ipsa synodus Sardensis, quæ  
vocibus appellandi & provocandi impropiè  
utitur, quod retractatio vicem subeat ap-  
pellationis. Vnde factum ut sequens actas  
existimaverit in his canonibus agi de vera  
appellatione, juxta propriam hujus vocis  
significationem.

VII. Attamen jus in ea synodo quæsi-  
tum Episcopo Romano diversum prorsus  
est à judicio appellationis, cum nihil aliud  
ei concessum sit quām ut decernere possit  
causa retractationem. Quippe synodus sta-  
tuit ut si Episcopus damnatus Pontificem  
Romanum appellaverit, in potestate ejus  
sit appellationem respondei, quo pacto senten-  
tia Episcorum provincias confirmabitur,  
aut eam admittendi. Quo casu, debet  
Episcopus Romanus judicium integrum re-  
mittere ad Episcopos provinciæ, & ad fini-  
timos, ut illi causæ cognitionem suscipiant  
præsente Legato Summi Pontificis, si is  
existimaverit mittendum esse. Præterea, ap-  
pellationis ea vis est ut priore interim sen-  
tentia supersedendum sit, quod aliter obti-  
net in revisione. Nam confugium illud ad  
apostolicam sedem non impediens quin interim  
sententia depositionis executioni man-  
daretur.

VIII. Hujus autem juris novam esse  
institutionem probant verba canonis. Si pla-  
ceret vobis (inquit Osius Cordubensis Episco-  
pus, qui synodo præsidebat) sancti Petri  
Apostoli memoriam honoremus. Non ait con-  
firmandam esse antiquam traditionem,  
quemadmodum fieri consuevit in negotiis  
quæ renovatione tantum aut explicatione  
juris antiqui indigent.

IX. Instituio porrò illa continetur in  
tribus canonibus apud Dionysium Exiguum  
& apud Cresconium in Breviario Canonum,

Vide supra in Ad-  
dit. ad cap. 16.  
lib. 2.